



Minggu, 19 Januari 2025
Ogen: PILIPI 3:12-14



"Kiam Ndatken Pemere"



Jesús ndilo kita labo saja gelah reh man bana tapi gelah lawes ku ingan siisuruhNa. Sebab kerina geluhta itepa Dibata lit tujunna guna kegeluhen si rasa lalap. Reh ku Jesús memang sada perkara indah, sebab arah kerembakenta nge ras Ia kita ndatken pasu-pasu, kemalemen ate ras ketetapan ukur erbahan kai pe. Tapi arus si inget maka tujun geluhta la terjeng gelah dat pasu-pasu tapi gelah kita pe banci jadi pasu-pasu man kalak si deban. E maka i bas kiniteken e pe kita isuruh berjuang. Perjuangan kiniteken e jadi bagin i bas geluh kerina kalak si tek, termasuk rasul Paulus. Perjuangan kiniteken nguji kita i bas kerina proses kegeluhen. Uga kita ngalaken nusur keke-na kegeluhen enda. Entah kin sitadingken Tuhan i bas gulut ukurta, ntah kin tetap sisembah ia bicara jore geluhta, ntah sebalikna. Adi rasul Paulus nggo tuduhkenna man perpulungen Pilili, labo ban ganjang ukurna, tapi berdasarkan pengalaman hidup. Maka genduari e pe amin ia terpenjara, ibatasi pendahin ras perjuangenna meritaken berita si meriah, tapi secara rohani ia tetap kiam, ndarami si ngena ate Tuhan i bas geluh enda, si mbue kal tuhu carana asal kita tetap nggit dengen ernalem man bana. Tuhu labo mesunah i bas ersaksi. Sabap i bas nuriken si mehuli e lit ka min buktina i bas kita nari. Geluhta min lebe jadi usihen si mehuli e subuk i bas pengerana ras perbahanennta. Kai si inanami kita i bas geluhta, subuk si meriah entah susah gia lalap ras Tuhan.

Gegeh ras kengasupen si ibereken Tuhan man banta e lah lalap si turiken man teman sekelewetta. I bas kita nuriken situhutu e pe kita enggo jadi pasu-pasu. Perjuangenta guna tetap jadi saksi kemulian Kristus la pernah sia-sia. Teruslah sehken tujun geluhta jadi pasu-pasu man kalak si deban. Ula pediat kepahitan, dendam, nembah ate, erelem-elem ngolangi kita ndahiken pendahin Kesah Si Badia e. Gelah kerina jadi pasu-pasu.